



ҚАЗАҚСТАН ҰЛТТЫҚ БАНКІ

№ 25 БАСПАСӨЗ РЕЛИЗИ

«Корей ертегісі» (Тангун туралы аңыз) және «Ә. Бөкейханға 150 жыл» ескерткіш монеталарын айналысқа шығару туралы

2016 жылғы 16 қыркүйек

Алматы қ.

Қазақстан Республикасының Ұлттық Банкі 2016 жылғы 16 қыркүйекте «Қазақстан халқының ертегілері» монеталар сериясынан «proof» сапалы күмістен номиналы 500 теңгелік және нейзильбер қоспасынан номиналы 100 теңгелік «Корей ертегісі» (Тангун туралы аңыз), «Есте қалатын оқиғалар мен біртуар адамдар» монеталар сериясынан нейзильбер қоспасынан номиналдық құны 100 теңгелік «Ә. Бөкейханға 150 жыл» ескерткіш монеталарын айналысқа шығарады.

Әлихан Бөкейханов – Қазақстанның көрнекті қоғамдық-саяси қайраткері, «Алаш-орда» партиясы көшбасшыларының бірі, Қазақстан бойынша Уақытша үкімет комиссары (1917).

Тангун – Кореяның алғашқы мемлекеттік құрылымы болып саналатын Кочосон мемлекетінің аты аңызға айналған негізін қалаушы. Кәріс мифологиясында Тангун көк тәңірінің немересі болып табылады. Кейбір деректер бойынша ол елді бір жарым мың жыл басқарған, ал өзі 1908 жыл өмір сүрген.



Күмістен және нейзильбер қоспасынан жасалған «Корей ертегісі» (Тангун туралы аңыз) монеталарының бет және сырт жақтарындағы бейнелер бірдей. «Proof» сапалы күміс монеталардағы бейне жылтыр бетке салынған.

Монеталардың бет жағында (аверсінде) орталық бөлікте қазақ және кәріс ою-өрнектерінен жасалған ою-өрнек аясында Қазақстан Республикасының елтаңбасы бейнеленген. Төменгі бөлігінде монетаның номиналын білдіретін сан (күміс монетада «500», нейзильбер қоспасынан жасалған монетада «100») және «ТЕҢГЕ» деген жазу бар.

Сол және оң жақ бөлігінде ұлттық ою-өрнектің элементі қарама-қарсы бейнеленген. Айналыра мемлекеттік тілде «ҚАЗАҚСТАН РЕСПУБЛИКАСЫ» және орыс тілінде «РЕСПУБЛИКА КАЗАХСТАН» деген жазу бар.

Монеталардың сырт жағында (реверсінде) сандал ағашының панасында отырған аты аңызға айналған Тангунның бейнесі, аңыздың кейіпкерлері – аю мен жолбарыс, кәріс тілінде жазу орналасқан. Айналыра мемлекеттік тілде «ТАНГУН ТУРАЛЫ АҢЫЗ» деген жазу, соғылған жылын білдіретін «2016» деген сан, монета дайындалған металды, оның сынамын және массасын білдіретін «Ag 925 24 г» деген жазу (күмістен жасалған монетада ғана) бар.

Монеталардың бет және сырт жағындағы бейнелер мен жазбалар бедерленген, айналыра шығыңқы жиек жүргізілген.

Қыры (гурты) бедерлі.

Монеталар:

– 925 сынамды күмістен жасалған, массасы – 24 г, диаметрі – 37 мм, дайындау сапасы - «proof», таралымы – 2 мың дана;

– «нейзильбер» қоспасынан жасалған, массасы – 11,17 грамм, диаметрі – 31 мм, таралымы – 100 мың дана.



«Ә. Бөкейханға 150 жыл» монеталарының бет жағында (аверсінде) жоғарғы бөлігінде Қазақстан Республикасының елтаңбасы бейнеленген. Бейненің оң жағында «ҚҰБ» деген аббревиатура орналасқан. Төменгі бөлігінде монетаның номиналын білдіретін «100 ТЕҢГЕ» деген жазу бар. Номиналдың сол және оң жағында ұлттық ою-өрнек элементі бейнеленген. Айналыра мемлекеттік тілде «ҚАЗАҚСТАН ҰЛТТЫҚ БАНКІ» деген жазу бар.

Монеталардың сырт жағында (реверсінде) сол жылдардағы баспа басылымы бөлігінің аясында Қазақстанның қоғамдық-саяси қайраткерінің бейнесі, «ӘЛИХАН БӨКЕЙХАН» деген, «150 ЖЫЛ» деген жазулар және соғылған жылын білдіретін «2016» деген сан орналасқан.

Монеталардың бет және сырт жағындағы бейнелер мен жазбалар бедерленген. Айналыра шығыңқы жиек жүргізілген.

Қыры (гурты) бедерлі.

Монеталар «нейзильбер» қоспасынан жасалған, диаметрі – 31 мм, массасы – 11,17 г, таралымы – 100 мың дана.

Номиналы 500 теңгелік және 100 теңгелік ескерткіш монеталар Қазақстан Республикасының бүкіл аумағында көрсетілген құнымен төлемнің барлық түрлері бойынша, сондай-ақ банк шоттарына және аударым жасау үшін қабылдануға міндетті, Қазақстан Республикасының барлық банктерінде шектеусіз ұсақталады және айырбасталады.

Ескерткіш монеталарды «Қазақстан Республикасы Ұлттық Банкінің Қазақстан теңге сарайы» шаруашылық жүргізу құқығындағы республикалық мемлекеттік кәсіпорны дайындаған.

Монеталардың дизайны Қазақстан Республикасы Президентінің 2003 жылғы 25 қыркүйектегі № 1193 Жарлығымен бекітілген Қазақстан теңгесі – ұлттық валюта банкноттары мен монеталары дизайнының тұжырымдамасына сәйкес әзірленген.

«Proof» сапасымен жасалған ескерткіш монеталар коллекциялық құны бойынша сатуға арналған. Олар кәдесыйлық ораумен шығарылады және Қазақстан Республикасы Ұлттық Банкінің мемлекеттік, орыс және ағылшын тілдеріндегі нөмірлік сапа сертификатымен жабдықталған.

Нейзильбер қоспасынан жасалған ескерткіш монеталардың алты мың данасы жақсартылған сапамен дайындалған және сату үшін арнайы пластикалық термовакuumды орауға салынған.

Монеталарды Қазақстан Республикасы Ұлттық Банкінің барлық филиалдарында, сондай-ақ ҚРҰБ-ның www.nationalbank.kz сайтындағы «Монеталардың интернет-дүкені» Интернет – дүкені арқылы сатып алуға болады. Алматы қаласында мына мекенжай бойынша сатып алуға болады: Панфилов көшесі, 98. Анықтама үшін телефоны: +7 (727) 273-83-98.

Толығырақ ақпаратты мына телефондар бойынша алуға болады:

+7 (727) 330 24 97

+7 (727) 270 45 85

e-mail: press@nationalbank.kz

www.nationalbank.kz